


Mai te 22 no mē

# TĪTOROTORORAA OHIPA 2018

Mea faufaa roa no te mau fenua atoā ia i te pāpū i te huru o te matete o te òhipa e ia fāito i to na nuuraa i roto i te tau. No reira, e faatupu te rahiraa o te mau fenua i te mau tītorotororaa i te pae o te òhipa : te mau fenua atoā no te Hau āmūi no Europa, te fenua Marite, Auteraria, Aotearoa, e te vai atu ra ā.

Ua faatupu te fenua Taratoni i ta na tītorotororaa i te matahiti 2017. I Porinetia farāni nei, te tītorotororaa hōpeā tei faatupuhia, e te reira anē, tei te matahiti 1994 ia.

I teie matahiti 2018, te faanaho nei te Pū Numeraa Rau (ISPF) i te hoē tītorotororaa āpī. E tere atu e 30 rahiraa rauti no te pū ISPF no tē uiui 10 000 rahiraa taata i niā atu i te fāito 15 matahiti. Mai te āvaē no mē e hāere atu i te hōpeā matahiti, e 2 900 rahiraa ūtuāfare te fārereihia i te mau motu Totaiete mā e 1 000 no te mau taamotu e atu.



**FĀITO I TE MAU NŪMERA, IA PĀPŪ MAITAI**

**> HAAPĀPŪ I TE NUURAA O TE MĀTETE O TE ÒHIPA I PORINETIA FARĀNI**

Āfata rata uira : [eepf@ispf.pf](mailto:eepf@ispf.pf) Nūmera niuniu paraparau : 40 47 34 47  
[www.ispf.pf](http://www.ispf.pf)

## PENEI AÈ IO ÒÈ ? MĀURUURU I TE FĀRII-MAITAI-RAA MAI !

Tō òè ūtuāfare te hutitārero-hia, mai tei mātauahia iho ā i roto i te òhipa tītorotororaa. Tō na auraa ra, mai te peu e tanohia i niā ia òè, e ère roa atu ia i te mea òpuahia. E rāvēā te reira no te uiui i te mau ūtuāfare i roto i tō rātou rauraa. Ia hutitārero-hia tō òè ūtuāfare, e uiuia te rauti tītorotoro i te mau taata atoā i tae hia te faito matahiti no te raveraa i te òhipa. Areā te faaotiraa mana no 76-50/AT o tei tauuihia no te 9 no tiurai 1976, te haapāpū ra ia o ia i te mau faautuāraa mai te peu āita te taata e fārii e pāhono i te tītorotororaa āore rā mai te peu ua haavare. Te tiāturi nei rā te Pū numeraa rau i niā i tō òè āau tae no te fārii-maitai-raa mai i te rauti tītorotoro.

## NAHEA E PAHONO E I NIĀ I TE AHA ?

Ia mātara te tāuaraa parau, e uiui atu te rauti tītorotoro e, e patapata o ia i tā òè mau pāhonoraa i niā i tā na roro uira. E mau uiraa i niā i te òhipa. No te feiā e òhipa tā rātou, eaha te mau òhipa, eaha te mau tōroā, eaha te mau faaauraa òhipa, eaha te huru o te oraraa mātēria i niā i te raveraa òhipa, eaha te mau haapiipiraa ? No te feiā āita e òhipa, eaha te mau huru māimiraa òhipa, eaha te mau òhipa i mauhia i te mātāmua, eaha te mau haapiipiraa ?

Ia hope te fārereiraa mātāmua e ia hope e piti matahiti, e niuniu atu te Pū numeraa rau, mai te peu e hina'aro òè, ia òè no te ani atu mai te peu ua tau i tō òè oraraa āore rā āita. Na roto i teie rāvēā e roaā i te āpee i te taata tātai tahi i niā i te mātete o te òhipa.

## EAHA TE FAUFAA O TE TĪTOROTORORAA I NIĀ I TE ÒHIPA ?

Na teie mau nūmera e aratai i te mau tiā mana i roto i tā rātou mau faaotiraa porotita. Na te reira atoā e haamāramarama i te mau taata atoā i niā i te parau o te òhipa, tō na nuuraa i roto i te tau e tō na mau taaēraa. Maoti teie tītorotororaa :

- E roaā i te tātara mai, i te mau matahiti tātai tahi, i te fāito nūmera o te feiā āore e òhipa e te faito nūmera o te feiā e òhipa tā rātou i Porinetia farāni ;
- E roaā i te tātara i te mau tumu e òhie ai āore rā e taupupu ai te māimiraa òhipa e, e roaā atoā ia i te faatano i te mau faaotiraa porotita i te pae o te òhipa (te mau haapiipiraa, te tauuiiraa te taata rave òhipa i tā na vāhi raveraa òhipa, te mau faanahoraa no te faaō i te òhipa, e te vai atu) ;
- E roaā i te i te pāpū eaha te huru o te oraraa mātēria i niā i te mau vāhi raveraa òhipa, no te taata rave òhipa taupoto iho ā rā e āore rā ia faahepohia te taata e rave i te òhipa tau hora noa i te mahana ;
- E roaā i te āpee i te taata tātai tahi i niā i te maororaa e toru matahiti, mea nāhea i te māimiraa i te òhipa āore rā eaha te rāvēā o tā na i faaòhipa i roaā ai te òhipa.

## PĀHONORAA HUNA E FAATURARAA I TE ORARAA O TE TAATA

- Te iōa pii anaē o te taata e uiuihia ra te pāpaihia, no te faaòhieraā ia i te tāuāraa parau. No te mau pāhonoraa, e faaharuahuria i te Pū numeraa rau e eita e pūharahia i mua i te aro o te taata.
- Mai te au te ture no 51-711 no te 7 no tiuniu 1951 o tei tauuihia i niā i te faaheporaa, te tiāūaraa e te mau pāhonoraa huna, na te Pū numeraa rau anaē e faaòhipa i te mau pāhonoraa. Eita roa atu te mau pāhonoraa e faaòhipahia no te tahi hiōpōāraa i te pae o te mau ture huru rau e āore rā i te pae o te tute. Teie tītorotororaa te faatura nei oia te mau faature raa a te Cnil (Tōmite ā Hau fārani e vai ara nei i te faaturaraa te roro uira i te tiāraa mana o te taata -[ te aratairaa ā te ture no 217040 du 05 eperera 2018].
- No te rauti tītorotoro, ua faanahohia te taretā òhiparaa na rātou. E faahepohia rātou eiaha roa atu e haapūhara i te mau pāhonoraa i hōrōahia mai e te taata. Nehenehe te taata e uiuihia ra e niuniu roa mai i te Pū numeraa rau, i te nūmera niuniu 40 47 34 47, no te ani i te haamāramaramaraa i niā i te rauti tītorotoro e hāere atu io na.



INSTITUT  
DE LA  
STATISTIQUE  
DE LA  
POLYNÉSIE FRANÇAISE